

1 彩券

陳士彰

舊年的年底，我佇教育局服務的單位，著愛落去高雄參觀訪問。遊覽車沿路幌過來又閣幌過去，一粒頭是楞掉掉。到高雄了後，欲去訪問的學校，是一間銜接一間。除了欣賞逐間學校佇本土語言教學的成果，佢聽一大堆簡報以外，猶有寫袂了的資料佢報告。對透早到下暗，上車、落車、目睷看、耳空聽、手又閣愛寫，三日落來，身軀的厭善，實在是食袂焦。免講換眠床就咧歹睷矣，連食飯嘛攏無滋無味。領隊的陳校長(尻脊後阮攏叫伊頭家)，為著體貼阮的辛苦，佇落尾一日的下昏，特別安排去愛河邊一間餐廳，除了享受真腥臊的料理，猶閣會當欣賞規條愛河，充滿『羅曼蒂克』氣氛的夜景。耳空聽著優美的古典音樂，身軀承受微微仔吹的涼風，予緊張束縛的精神，攏總輕鬆落來。佇阮所有的人，猶深深沉迷佇咧輕鬆氣氛的時，一位行動不便的『歐吉桑』，坐佇電動輪椅頂頭，無聲無說就駛對阮坐的位來，予阮逐家雄雄掣一趟。老大人的車頂園一疊彩

券，來到阮中間，共彩券褙開像一支葵扇，佇眾人的面頭前搵一下搵一下：「頭家！拜託買一張！」彼種的「起毛」，完全拍歹拄才幽雅的情調。有兩、三位同事忍受袂牢，就行去愛河岸邊。雖然無人欲插伊，彼位『歐吉桑』猶閣是袂死心，輪椅一直佇阮的四箍輾轉楚來楚去。伊來到我的面頭前，對我的面搵風：「頭家！一張才五十箍爾爾，拜託買一張啦！」

我共伊指對陳校長遐去：「頭家佇遐，你叫伊買。」逐家看我一擺創治兩個人，攏笑甲攏腹肚。我從到今攏毋捌買過彩券，因為知影家己並無彼款運氣。親像過去，若是咧對發票，到今嘛無著甲半擺，連啥物叫做著兩百箍的滋味，都毋捌鼻過。總是看一个行動不便的老大人，猶閣咧靠賣彩券來度生活，想起來嘛是真可憐。彼當時我也有淡薄軟心，就寬寬仔對褲袋仔擷五十箍出來：「我買一張！」其實我是向望伊趕緊離開，毋通共阮一直囉。

2 阿母的相機

蔡連真

「看遮、看遮，笑一个五仙喔！」講著這陣的社會，毋管手機仔、平板電腦抑是相機，無論大人抑是囡仔，攞提佇手裡。若想欲翕相，行到遐、翕到遐，袂輸咧食雞肉 飯遐簡單。講著翕相，莫講是專家才會曉，相信這馬無人袂曉翕相的。毋過，世間的代誌真歹料想，莫保證有較好，較袂予人掠包。凡勢別人毋知，阮阿兄佻阿姊就先共我落氣矣。阮阿母彼台傳統式的翕相機，是猶未結婚進前去日本迴迴買轉來的紀念物。因為是過鹹水的，所以特別珍惜。毋但毋甘用，甚至欲用嘛袂記得欲按怎用。講到遮逐家就知影阮阿母彼台翕相機，囡到這馬應該是會當算古董級的傳家寶矣。毋管別人看阿母是嬌抑是醜，我攞感覺阿母生做真好看。雖然無真懸大，毋過，體型瘦抽仔瘦抽袂大籬，捌伊的人攞真呵咾，講伊溫柔體貼，欣羨阮阿爸是前世燒好香，才會當娶著這個嬌某。講到遮相信恁攞佻我全款，掠準是阿母一定真愛翕相，會四界去翕，留真濟相片來做紀

念。若按呢，絕對毋是恁的想法毋著，是阮阿母傷古板啦！本底，買彼台相機嘛知影伊袂曉翕相，但是嘛抱著真大的希望，毋但欲留做嫁妝，嘛向望會當嫁一个真勢翕相 閣真愛翕相的翕婿，會當隨時為伊留真濟有紀念性的相片 落來。哪會知揀啊揀，揀著一个賣龍眼的，阮阿爸對相機全款真外行。就按呢，一晃過三冬，三晃就一世人，彼台相機煞真正因踎壁櫥做古董矣。講阿母袂曉翕相，毋是咧共落氣，實在是阮兜閒閒咧開講的一个話題。阿兄大學畢業典禮佻同學做伙欲翕相，提新型的相機拜託阿母翕，阿母毋知影愛看面板煞對鏡頭一直相，相規晡一直喝講啥物都無看著欲按怎翕？予規陣的大學生笑甲險倚袂在，阿母一个面是紅紅紅，袂輸關公 咧。到今，若閣看著壁櫥內彼台過鹹水的相機，毋知阿母 心肝內有啥款的感想？總是，人攞是愛綴時行的，這馬阿 母雖然無咧用伊彼台老嫁妝的相機，毋過，已經會曉用手机仔翕相矣，這嘛是一種活到老、學到老的精神，敢毋是咧？

3 總舖師的圍爐菜

沈祚璋

過年暝，家家戶戶擺咧圍爐，桌頂的年菜若欲豐沛，這就愛看厝裡的彼个總舖師的功夫囉！會記得細漢的時，猶閣是農業社會，毋管是煮三頓，抑是洗身軀的燒水，擺是用大灶燃柴的，無通像這馬用電、燃瓦斯遐爾仔利便。因為擺愛共厝裡鬥相共，所以較早的囡仔逐个擺嘛會曉燃大灶。阿母就是阮兜的總舖師，日頭猶未落山，伊就開始無閒咧款圍爐菜矣。阿母通常會對上厚工的先來，頭一項就是封肉！豬肉買轉來著愛先燃滾水燙過，豬毛著愛巡看副有清氣無？閣愛先乍過一遍油，才會使下落去炕。繼落去著愛用慢火炕予爛，阮阿爸伊上愛食這項芳閣Q的封肉。另外，圍爐一定愛食的閣有魚仔，魚仔著愛煎予赤，食起來才會芳閣酥。有魚嘛著愛有雞，早起阿母就去挽茄苳葉欲來翕茄苳雞，聽講食了會開脾。彼種滋味有影是芳 kòng-kòng，有夠好食！過年過節，阿母擺會炊甜粿、菜頭粿恰發粿。等

祖先拜煞，暗時欲圍爐的時陣，擺會煎一寡甜粿恰發粿，因為序大講：「過年時，食予發一下，討一个好吉兆啦！」啊若食菜頭粿講是好彩頭，彼若閣煎過是有夠芳的啦！搵豆油膏上著味，這項是我上愛食的。有一種芥菜會當做長年菜、長壽菜，是寒人才有的，家己菜園仔就有種。若焅湯，擺毋免摻味素，湯頭就真甘甜！猶閣有阿媽家己豉的鹹豬肉，切切咧用寡蒜仔落去芡芳炒炒咧，阿公干焦用來配飯，就會當食幾若碗！日頭已經落山，阿母叫阮遮仔囡仔緊共碗箸排予好勢，準備通圍爐！所有的年菜擺煮好捧上桌矣，這時陣大灶內面的火，猶賸一點仔火種，阿母擺會問阮講：「敢欲園寡番薯入去焅？」若講著彼款滋味，帶有一點仔臭火焦的芳，是到今猶予我誠數念的氣味，嘛是囡仔時代的記持！會當食著一桌遮爾仔腥臊的圍爐菜，著愛感謝上辛苦的總舖師，彼就是阮阿母啦！

4 頭家佢辛勞

阿真

朋友啊，恁敢有錢拍無去的經驗？錢若拍無去敢閣揣會轉來？若是有人拈來還，是毋是會予你歡喜甲強欲流目屎咧？

阿信是蹓佇臺南的水電師傅。彼工伊領薪水，心情樂暢就走去夜市仔覷覷咧，順繼食暗頓。七覷八覷，一下失覺察，薪水袋仔煞拍交落去。當當阿信發覺的時，伊隨親像菁仔穰 khok-khok 從，共覷過的擔仔位齊巡過，頭家攏講：「無咧！無拈著。」一擺閣一擺揣規暝，薪水已經毋知落對佗位去矣。

隔轉工早起，阿信頭殼犁犁、目調 he-he 去到公司講欲請假。頭家娘看伊面色誠樸，自來毋捌咧請假的人講欲請假閣目頭結結，頭家娘看毋是勢問一个真，阿信才姑不而將講出伊的薪水袋仔規包拍無去的代誌，閣安搭頭家娘講有去報案矣，請頭家娘免操煩。免操煩？頭家娘心內咧想，薪水拍無去，這個月就白做的矣，阿信是手面趁食的人，食穿攏靠這份薪水。頭家娘嘛足知伊的性，若閣發一擺薪水予伊，阿信一定毋啦。

頭家娘隨想著一步，請派出所的警察先生鬥搬戲。就通知阿信講有人拈著錢，請伊來領轉去。頭起先，阿信歡頭喜面叫是真的，三步做兩步走，來到派出所。阿信接過薪水袋仔一下看，心內就起懷疑矣，共錢抽出來算算咧，「三萬四」，開喙就講：「這毋是我的，這一定是頭家娘送來的，愛還頭家娘！」警察先生看阿信的反應，驚一趔，開喙就問：「你哪會知？」

阿信講：「原本彼包薪水袋仔伊有對拗，這包毋但無拗痕，連伊已經開去的三千箍嘛變倒轉來，天下間哪有遐好的代誌？用跤頭跌想嘛知，這定著是好心的頭家娘啦！」就堅持欲共錢還予頭家娘。

好事傳千里，電視台放送了後，逐家攏咧會，講這馬這個社會上欠缺這款的「頭家佢辛勞」啦！頭家真情照顧辛勞，辛勞誠心對待頭家，和諧溫暖的勞資關係真正予人感動甲強欲流目屎呢！雖罔彼包內底貯三萬一的薪水袋仔猶是無揣著，毋過這個故事予咱看著人性上婿的一面。

5 勤儉較有底，浪費不成家

黃靜惠

細漢的時陣，阮做人小弟、小妹的，攞著愛拈阿兄、阿姊抑是別人袂穿得的衫仔褲來穿。無細膩，若予阿母看著阮無歡喜的表情，伊就會笑笑仔共阮講：「勤儉較有底，浪費不成家。」儉慣勢了後，等我大漢開始上班，第一擺領著薪水，嘛毋甘買新衫來穿，猶是穿阿姊的舊衫去上班。阿母看著，可能心內替我毋甘，問我講：「你一直穿人的舊衫，心肝頭攞袂艱苦喔？」我煞惹惹仔共應講：「袂啊，按呢較環保啊。你毋是定定咧講，勤儉較有底，浪費不成家。」阿母聽我按呢講，煞歹勢甲面仔紅紅，笑笑仔講：「彼は往過，我佻恁老爸薪水有限，閣愛飼恁一大陣囡仔，毋才按呢講。這馬無仝款矣，你家己會曉趁錢，會使買寡媵衫來穿，毋免閣穿人的舊衫矣啦！」聽阿母按呢講，煞換我替阮父母感覺毋甘心酸酸。阿爸、阿母嘛足少共家己買衫仔褲。開衫仔櫥共看覓，清彩一領衫提出來都有二、三十年的歷史。彼年，我趁母親節，買一軀新衫送予阿母。伊足歡喜，

毋過嘛是惹惹唸，叫我莫遐討債。我就刁意故共伊弄講：「你免煩惱啦！我知，勤儉較有底，浪費不成家嘛。」阿母那笑那講：「諱，你這個囡仔乎，當時學甲遮爾仔無大無細矣！」閣順繼伸手偷偷仔共我的尻川顛捻一下。喔，足疼的呢！阿母的手頭實在有夠重的。講正經的，靠山山會崩，靠水水會焦，開錢猶是愛會曉擲節，儉儉仔開，較實在。雖然我無尻川鬥柄——好額的爸母，毋過我真感謝阿爸、阿母對我的管教，培養我正確勤儉的觀念，無染著討債的歹習慣。咱人若是開錢若開水，就親像坐著破產的直達快車，落尾可能會散甲有路無厝，戶口簿仔只好吊佇電火柱。成家立業了後，我嘛是按呢「加減趁，較袂散；加減拈，較省共人借。」向望有一日會當佻阿母仝款，沓沓仔共這個家疊成山囉。